



Diploma u islamskim naukama 2018

Fakultet islamskih nauka (FIN) dugi niz godina organizira u našoj zemlji jedinstven program pod nazivom Diploma u islamskim naukama. Program je namijenjen svima koji žele steći nove uvide i produbiti postojeća znanja o temeljnim pojmovima, vrijednostima i vjerovanjima što su oblikovala muslimansko mišljenje, duhovnost i kulturu, te društvene, vjerske i pravne ustanove, posebno na tlu Bosne i Hercegovine. Program je otvoren za sve koji žele učiti bez ozbira na lična uvjerenja i opredjeljenja. Dosadašnji polaznici dolazili su iz različitih sfera društva; bili su to studenti postdiplomci, novinari, diplomate, penzioneri, uposlenici u školstvu, kulturi, politici, upravi i nevladinom sektoru, muslimani i nemuslimani, domaći ljudi i stranci... Program se odvija u dva odvojena toka – na bosanskom i na engleskom jeziku. Predavanja se održavaju u historijskom ambijentu Fakulteta, čija zgrada potječe iz 1887. i značajan je spomenik bosanske arhitekture iz austrougarskog perioda. Polaznici po okončanju programa dobijaju potvrdu, tj. certifikat o uspješnom savladavanju njegovih sadržaja. Predavanja drže profesori i nastavnici Fakulteta islamskih nauka.

Struktura programa

Program čine dva predmeta podijeljena u ukupno sedam modula: Uvod u islam (Kratak pregled historije islama; Uvod u islamsku doktrinu; Islamski sveti tekstovi i Islamsko pravo i etika) i Islam u Bosni i Hercegovini (Islamska kultura u BiH; Islamske

institucije u BiH i Savremeno islamsko mišljenje u BiH). Program uključuje i posjetu islamskim ustanovama u Sarajevu. Predavanja se održavaju svakog utorka i četvrtka u periodu od 18:00 do 20:35 (uključujući pauze). Detaljan raspored predavanja bit će utvrđen na početku rada programa.

Nastava počinje u utorak, 30. januara 2018. u 18:00 sati, a završava se početkom maja 2018. godine.



Ocjenjivanje

Postignuti uspjeh u programu Diploma u islamskim naukama vrednuje se kako slijedi:

- pohađanje nastave i aktivno sudjelovanje na časovima – 40% ocjene;
- pisani rad o odabranoj temi – 60% ocjene.

Za uspješan završetak programa obavezno je prisustvovati nastavi u mjeri od najmanje 80%.

Uvjeti za upis

Uvjet za pohađanje programa Diploma u islamskim naukama jeste:

- univerzitetska diploma iz bilo koje discipline, ili
- diploma četverogodišnje srednje škole i najmanje tri godine radnog iskustva.


Prijava i registracija

Za upis na program Diploma u islamskim naukama potrebno je popuniti prijavni obrazac dostupan na internetskoj stranici Fakulteta islamskih nauka u Sarajevu (www.fin.unsa.ba). Popunjen obrazac može se dostaviti putem pošte ili lično na adresu: Fakultet islamskih nauka, Čemerlina 54, 71000 Sarajevo; putem faksa: + 387 33 251 044; ili putem e-maila: diploma@fin.unsa.ba, najkasnije do petka, 19. januara 2018, do 16:00 sati. Kandidati koju budu primljeni bit će obaviješteni do ponedjeljka 22. januara 2018.

Cijena programa

Učesnik snosi troškove programa u iznosu 500 KM (petsto konvertibilnih maraka). U cijenu je uključen dio literature u digitalnom obliku.

Primljeni kandidati treba da izmire troškove upisa najkasnije do 26. januara 2018, do 16:00 sati, uplatom na račun Rijasetu Islamske zajednice u BiH kod Vakufske banke d.d., na žiroračun: 1602005500015065, s naznakom: Uplata za program Diploma u islamskim naukama; iznos uplate: 500 KM.



Sve dodatne informacije mogu se dobiti putem emaila: diploma@fin.unsa.ba ili od koordinatorica projekta dr. Amine Arnautović tel. 033 251 036 i Azre Kulenović tel. 033 251 039.



O Fakultetu islamskih nauka

Fakultet islamskih nauka najstarija je visokoškolska islamska ustanova u Bosni i Hercegovini. Osnovan je 1977. godine kao Islamski teološki fakultet. Nastavljač je višestoljetne tradicije školstva iz doba osmanske uprave, te Šerijatske sudačke škole iz 1887. godine, kasnije preimenovane u Višu islamsku šerijatsko-teološku školu – prve moderne islamske visokoškolske ustanove u našoj zemlji. Fakultet se danas nalazi u zgradi nekadašnje Šerijatske sudačke škole sagrađene u prepoznatljivom neomaurskom stilu. Od septembra 2004. godine FIN djeluje kao pridružena, a od 2013. kao punopravna članica Univerziteta u Sarajevu.

KONTAKT:

Adresa: Fakultet islamskih nauka, Ćemerlina 54,
71000 Sarajevo

Tel.: 033 232 982 (centrala)

Faks: 033 251 044

Web: www.fin.unsa.ba

Facebook: [Diploma u islamskim naukama /](#)

[Diploma in Islamic studies](#)

Email: diploma@fin.unsa.ba

30.01. – 10.05.2018.

DIPLOMA U ISLAMSKIM NAUKAMA

